

Inatsisartut Suleriaasianni § 33, imm. 3, nr. 1 naapertorlugu Nunat Avannarliit Killiit Siunnersuisoqatigiiffianni Inatsisartut aallartitaannut siulittaasup aalajangiiffisassatut siunnersuut manna saqqummiuppaa:

Nunat Avannarliit Killiit Siunnersuisoqatigiiffiata kaammattuutitut aalajangersagassaanut nr. 1/2017-imut siunnersuut:

**Nunat Avannarliit Killiit Siunnersuisoqatigiiffiata Savalimmiuni, Kalaallit Nunaanni Islandimilu Naalakkersuisunut kaammattuutigaa suleqatigiillutik suleqatigiissitamik nunat avannarliit killiit niperujoorutaannik erinarsuutaannillu nuutilersukkanik saqqummersitsinissamat katersuisussamik ilisimasalinnik susassaqartunik ilaasortalimmik pilersitseqqullugit. Nunani pingasuni taamatut saqqummersitsinissamat aningaasartuutissat suleqatigiissitap qulaajassavaattaq.**

(Aallartitat siulittaasuat Vivian Motzfeldt)

### **Tunngavilersuut**

Nunat Avannarliit Killiit Siunnersuisoqatigiiffiata pilersinneqarneranik isumaqatigiissummi 24. september 1985-imeersumi atuarneqarsinnaavoq nunat taakku kulturikkut, niuernikkut, angallannikkut allatigullu suleqati-giinnerup nukittorsartariaqarnerata piorsartariaqarneratalu pisariaqassusiat paasisimagaat, kiisalu nunat taakku suleqatigiinnermik nukittorsarnerati-gut piorsarneratigullu nunarsuarmi paaseqatigiilluni eqqisseqatigiillunilu inooqatigiinnerup siuarsarneqarneranut tunniusseqataassatut.

Nunat Avannarliit Killiit Siunnersuisoqatigiiffiata ukiuni 32-nngortuni suleqatigiinnermini inatsisartutigoortumik suleqatigiinnermik qanittumik avissartikkuminaatsumillu ineriartortitsisimavoq. Suleqatigiinneq tamanna aamma peqataasimavoq nunatta akornini kulturikkut attaveqaatit nukittor-sarneqarnerinut.

Kulturikkut attaveqaatit tamakku ilaatigut Nunani Avannarlerni Killerni pisartuni asisigiinningsorpassuarni eqqumiitsuliortortatta innuttaasullu pe-qataaffigisartagaanni, isummanik, assigiinningsitaarnermik ilisimasanillu paarlaasseqatigiiffiusartuni, ersersinneqartareerput.

Nunat Avannarliit Killiit Siunnersuisoqatigiiffiata kaammattuutitut aalajangersakkakkut matumuuna kissaatigaat nunani oqaatsit atorneqartut atorlugit nunat avannarliit killiit erinarsuutaannik saqqummersitsisoqarnissaata qularnaarneqarnissaa. Erinarsuutit ilanngunneqartut nutsinngikkaluarlugit kalaallisut, islandimiutut savalimmiormiutulluunniit erinarsorneqarlutillu nipilersorneqarsinnaassapput. Tamanna nunat avannarliit killiit siunnersui-soqatigiiffiata aaqqissuussisarnerini nuannersumik misilittagaareerpoq.

Nunat ataasiakkaat kulturiat immikkuullarissumillu oqaluttuarisaanikkut ineriartorsimanerat nunat avannarliit killiit suleqatigiinnerata siumut ingerlaneranut ineriartorneranullu tunngaviusut ilagiuarsimavaat. Nunat Avannarliit Killiit Siunnersuisoqatigiiffiata maanna nunani ataasiakkaani naa-lakkersuisunut kaammattuutigaa nunat avannarliit killiit erinarsuutaannik saqqummersitsinissamik suliaq aallarteqqullugu tapersersoqqullugulu, ta-

manna nunani pingasuni innuttaasunut nuannaarutaallunilu suleqatigiinnermut iluaqutaqqullugu, minnerunngitsumik kulturikkut suleqatigiinneq eqqarsaatigalugu, erinarsoqatigiittarnermi attaveqatigiinnitsinnik kultur-ikkullu kinaassutsinnik nukittorsaataasarmat. Erinarsuutitigut taamatutaaq nunani avannarlerni killermiusutut misigisimaneq nalinginnaasumik minnerunngitsumillu inuusuttut akornanni siammarterneqassaaq, soorlu aamma taamatut erinarsuusiorneq nunat avannarliit killiit efterskoleqalernissaannut, siunnersuisoqatigiiffiup siusinnerusukkut kaammattuutigisimaasanut, naapertuulluinnassasoq.

Immikkut pingartinneqarpoq erinarsuutit nuutitalerlugit nunani pingasuni tamani saqqummersinneqarnissaa, nunat pingasut akornanni kulturikkut suleqatigiinneq pillugu isumaqatigiissummi siunertaq naapertorluinnarlugu.

Taamaalilluni Nunat Avannarliit Killiit Siunnersuisoqatigiiffiata ukiut 32-t kingullit ingerlanerini nunat avannarliit killiit erinarsuutaat 90-it katerso-reersimavai, erinarsuutitut eqqarsaatigineqartunut aallaaviusinnaasunik nunallu avannarliit killiit siunnersuisoqatigiiffiata sukumiinerusumik paasissutissiissutigisinnaasaanik.

Siunnersuut aningaasatigut kinguneqartussaavoq. Ataatsimut erinarsuutit imarisassaasa katiterneqarnerannut atatillugu nunat akornanni ataqatigiis-saarisooqartariaqarpoq. Nunat pineqartut allaffeqarfiinut allaffissornikkut nukissanik atuiffiussaaq, taamatullu aamma naatsorsuutigisariaqarluni nunat avannarliit killiit siunnersuisoqatigiiffiata allattoqarfiani nukissanik atuiffiussasoq.

Kaammattuutitut aalajangersakkap piviusunngortinneqarnerata allaffissornikkut 300.000 kr.-it missaannik aningaasartuutaanissaa nalilerneqarpoq.

Erinarsuutit aqqissorneqarnerannut, ilusilersorneqarnerannut naqiterne-qarnerannullu aningaasartuutit eqqarsaatigalugit tamanna suleqatigiissitamit qulaajarneqartariaqarpoq, tamatumunnga ilanngullugu taalliat/erinniat nuutillu atorneqarnerat eqqarsaatigalugu eqqumiitsuliortut pisinnaatitaaffiinut aningaasartuutit.